

Plutseleg var høyringsfristen her, men nokre få kommentarar likevel.

- Teljande areal. Osterøy kommune gjorde ein endring av teljande areal i 2007-2008 (sjå Nina rapport side 11), då vart kategori «skrinn fastmark» og «bygningssmasse» teke vekk. Mange protesterte på dette, men kommunen hevda at einaste redskapen som kunne brukast til gjennomgang av arealet, var dette AR5-kartet. Som de ser i NINA rapporten, har Osterøy 48 720 dekar åpen skrinn fastmark.
I forvaltningsplanen for Osterøy står det om teljande areal på side 7 og 8. Men det er også slik at kommunen har anledning til å vurdera andre arealtypar som er viktig for hjorten. *«For hjort m.m. skal kommunen regne skogsareal og myr under skoggrensa som tellende areal. Kommunen kan også godkjenne andre arealtyper som tellende areal hvis disse er av stor betydning for arten.»*
Når ein går inn på Nibio gardskart og bruker markslag 13 klasser, kjem «skrinn fastmark» opp. Kan ikkje skjønna at det er rett å ekskludera alle slike områder frå teljande areal, når eg på jakt ser at hjorten beiter og oppheldt seg også der.
I fylgje Google, har store jordbrukskommunar som Gloppen og Stad valt ein annan tilnærming; Teljande areal; Skog og myr opptil 700 moh Samt innmark. Innsjø over 40 da og bebygd areal er unnateke.
Det meiner eg høver bra hjå oss også, sjølv om skoggrensa er stipulert til 500 i NINA-rapporten. Ser ofte hjorten beiter over skoggrensa.
Osterøya er definert å ha 2 hovudtypar bergartar, skilje går aust og vest for ei linje mellom Bruvik og Fotlandsvåg. Alle som har spaserert til Høgafjellet veit korleis den harde sorten ser ut. Vestom Bruvikdalen fer tregrensa og vegetasjon med stor fart oppover, og dette bør underbyggja mitt forslag.

- I planen er det for mykje fokus på «gamle dagar» når det gjeld felling av bukk. Det er lenge sidan 90-talet. Det har siste 15-20 åra vore tildelt 15% bukk som ein norm i ordinære dyr, når i tillegg ekstradyr i stort omfang er tildelt som kolle/kalv med innslag av ungdyr, har naturlegvis fellingsprosenten på bukk vorte redusert til 11%. Dette er altfor lite. Siste åra har me registrert i sett hjort, kolle/bukk på under 0,5.
Eldre bukk er mange årsklassar, er samd i at kronhjorten må sparast på, men 2,5 og 3,5 åringar toler meir avskyting. 15 – 20% av totale tildelingar slik som tilhøva er i vårt område, og fleire ettersom eg høyrer. Dei gjer stor skade både på skog og innmark når det vert så mange.

Helsing jaktfeltansvarleg i Audestad/Teigland jaktfelt

Lars Rune Teigland